



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2259, datë 23.01.2013

Për

Miratimin e Dokumentit rregullator “Për disa ndryshime dhe shtesa në Rregulloren datë 23.12.2008 “Për dhënien e licencës “Për stacionet radio të avionit””.

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

1. Z.	Piro	Xhixho	Kryetar
2. Z.	Alban	Karapici	Anëtar
3. Znj.	Alketa	Mukavelati	Anëtar
4. Z.	Benon	Paloka	Anëtar
5. Znj.	Zamira	Nurçe	Anëtar

dhe sekretare të Këshillit Drejtues Znj.Marsida Drushkunë mbledhjen e datës 23.01.2013, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”, shqyrtoi çështjen me objekt:

Miratimin e Dokumentit rregullator “Për disa ndryshime dhe shtesa në Rregulloren datë 23.12.2008 “Për dhënien e licencës “Për stacionet radio të avionit””

BAZA LIGJORE:

1. Pika 1 e nenit 114 dhe neni 115 të ligjit nr.9918, datë 19.05.2008 “Për komunikimet elektronike në Republikën e Shqipërisë”, i ndryshuar (**ligji nr.9918**);
2. Neni 120 dhe neni 129 i ligjit nr. 8485, datë 12.05.1999 “Kodi i Procedurave Administrative” (**KPrA**), i ndryshuar;
3. Rekomandimet e ITU dhe Konventen e Aviacionit Civil Ndërkombëtar.
4. Ligjin e aviacionit civil shqiptar Nr.7877, datë 30.11.1994.
5. Pika 2 e nenit 22 të Rregullores datë 23.12.2008 “Për dhënien e licencës “Për stacionet radio të avionit” (**Rregullore**), miratuar me vendim të Këshillit Drejtues të AKEP-it, Nr. 522, datë 23.12.2008.

KËSHILLI DREJTUES:

Nga shqyrtimi i materialit shkresor të përbërë nga:

- Projekt Vendimi;
- Relacioni shoqërues i Projekt-Vendimit;
- Dokumentit rregullator “Për disa ndryshime dhe shtesa në Rregulloren datë 23.12.2008 “Për dhënien e licencës “Për stacionet radio të avionit””;

si dhe, diskutimeve në mbledhje mbi çështjen, si dhe duke i’u referuar bazës ligjore të sipërcituar,

V Ë R E N:

1. AKEP, me qëllim përmbushjen sa më të plotë dhe eficiente të detyrimeve ligjore që duhet të zbatojnë subjektet e interesuara, për t’u pajisur me licencë “Për stacionet radio të avionit”, çmon si të rëndësishme ndryshimet dhe shtesat në aktin Rregullorë datë 23.12.2008 “Për dhënien e licencës “Për stacionet radio të avionit”, me qëllim përcaktimin e rregullave proceduriale për t’u pajisur me licencë nëpërmjet modulit të aplikimeve online;
2. Grupi i punës i caktuar me Urdhërin nr. 900, datë 30.10.2012 ka hartuar ndryshimet dhe shtesat në projekt aktin administrativ Rregulloren datë 23.12.2008 “Për dhënien e licencës “Për stacionet radio të avionit”, me qëllim përcaktimin e rregullave proceduriale për kryerjen nëpërmjet modulit të aplikimeve online nga subjektet e interesuara për tu pajisur nga AKEP me licencë;
3. Ndryshimet dhe shtesat për përcaktimin e rregullave proceduriale në Rregulloren, datë 23.12.2008 “Për dhënien e licencës “Për stacionet radio të avionit”, janë mbështetur në kuadrin ligjor dhe rregullator në fuqi si dhe rekomandimeve të ITU-së, duke patur parasysh dhe implementuar objektivat rregullatore të AKEP;
4. Ndryshimet dhe shtesat e propozuara në Rregulloren nga Grupi i Punës, për t’u zbatuar nga subjektet e interesuara për licencë, nëpërmjet modulit të aplikimeve online, bëhen pa ndryshuar përmbajtjen, objektin, qëllimin dhe kërkesat e përfshira në këte rregullore si dhe me qëllim përmiresimi për:
 - Kalimin e aplikimit për licencë “Për stacionet radio të avionit” nëpërmjet modulit të aplikimeve online;
 - Realizimin e procedurës së paisjes me licencë në një kohë sa më të shkurtër, në një mënyrë më të thjeshtuar me rregulla praktike;
 - Shkurtimin e procedurave të përpunimit të dokumentacionit në AKEP duke rritur cilësinë e shërbimit ndaj ndaj subjekteve;
 - Realizimin e një procesi transparent në kufijte e veprimit të Autoritetit Publik;
5. Për licencën “Për përdorimin e stacionit radio të avionit”, që aplikimet për rinovim licencë të mos bëhen vit për vit, dhe duke marrë në konsideratë faktin që të dhënat që plotëson subjekti në licencë janë në përgjithësi të pandryshueshme, për të cilat subjekti ka mundësinë të aplikojë online, propozohet që vlefshmëria e licencës të bëhet nga 1 (një) vit që është aktualisht, në 5 (pesë) vjet.
6. Për këtë qëllim, AKEP në zbatim të Ligjit nr. 9918 i ndryshuar, në kuadër të transparencës dhe paanësisë çmon si të arsyeshme miratimin e ndryshimeve dhe shtesave në përcaktimin e rregullave proceduriale për kryerjen nëpërmjet modulit të aplikimeve online nga subjektet e interesuara për licencë, të projekt aktit administrativ Rregullorë, datë 23.12.2008 “Për dhënien e licencës “Për stacionet radio të avionit””;

P Ë R K Ë T O A R S Y E:

Këshilli Drejtues, duke konsideruar rëndësinë e miratimit të këtij projekt akti administrativ, si për AKEP ashtu dhe subjektet e interesuara për pajisjen me licencë “Për stacionet radio të avionit”, bazuar në pikën 1 të nenit 114 dhe pikën 1 të nenit 115 të ligjit nr. 9918 i ndryshuar,

V E N D O S:

1. Të miratojë Dokumentin rregullator “Për disa ndryshime dhe shtesa në Rregulloren datë 23.12.2008, “Për dhënien e licencës “Për stacionet radio të avionit”” sipas Aneksit 1 bashkëlidhur;
2. Ky vendim të publikohet në faqen e internetit www.akep.al

Ky vendim hyn në fuqi 30 ditë nga data e miratimit të tij.

K R Y E T A R I

Piro XHIXHO

ANËTARËT E KËSHILLIT DREJTUES:

1. **Alban KARAPICI**
2. **Alketa MUKAVELATI**
3. **Benon PALOKA**
4. **Zamira NURÇE**

I. Ndryshime dhe shtesa në Rregulloren, datë 23.12.2008, “Për dhënien e licencës “Për stacionet radio të avionit”.
(Miratuar me Vendim të Këshillit Drejtues të AKEP nr.522, datë 23.12.2008).

A. Pika 1 dhe pika 2 e nenit 5, ndryshojnë dhe bëhen:

Neni 5
Formulari i aplikimit

1. Subjekti që kërkon të pajiset me licencë për përdorimin e stacioneve radio të avionit duhet të aplikojë online sipas formularit të aplikimit të përcaktuar në Aneksin 1 të kësaj rregulloreje, i cili shoqërohet me tabelën mbi të dhënat teknike dhe deklaratën e pronarit/personit.
2. Formulari i aplikimit online plotësohet tek Moduli i Aplikimit Online për licencë “Për stacionet radio të avionit” në faqen web të AKEP www.akep.al

B. Shtohet pika 5 dhe pikat 1, 2, 3 të nenit 6, ndryshojnë dhe bëhen:

Neni 6
Dhënia e Licencës

1. Licenca i jepet të interesuarit brenda 7 (shtatë) ditëve nga data që ka depozituar në AKEP Formularin e aplikimit online të plotësuar në përputhje të plotë me kërkesat e përcaktuara në këtë rregullore dhe pasi të ketë kryer të gjitha pagesat përkatëse për marrjen e licencës.
2. Kur AKEP konstaton parregullsi në plotësimin e Formularit të aplikimit të dërguar online, i kërkon subjektit rregullimin e tyre brenda një periudhe prej 5 (pesë) ditësh pas marrjes së njoftimit online për parregullsitë e konstatuara.
3. Trajtimi i kërkesës online bëhet nga Drejtoria përkatëse në AKEP dhe Licenca lëshohet e nënshkruar nga Kryetari.
5. Formulari i aplikimit online nënshkruhet nga subjekti në momentin e tërheqjes së Licencës dhe i bashkëngjitet praktikës që arkivohet në AKEP.

C. Pika 1 dhe pika 2 e nenit 10, ndryshojnë dhe bëhen:

Neni 10
Çregjistrimi

1. Çregjistrimi bëhet nëpërmjet njoftimit online për rastet kur:
 - (a) mjeti i fluturimit shitet në një shtet tjetër,
 - (b) mjeti i fluturimit rrëzohet,
 - (c) mjeti i fluturimit bëhet i papërdorshëm,
 - (ç) mjeti i fluturimit është jashtë shërbimit, për një kohë 2 ose më shumë vjet.
2. Mbajtësi i Licencës ka detyrim të njoftojë online AKEP-in për rastet e

mësipërme.

D. Pika 1 dhe pika 2 e nenit 15, ndryshojnë dhe bëhen:

Neni 15
Modifikimi i licencës

1. Modifikimi i licencës bëhet me kërkesë online të subjektit, në rastet kur:
 - a) ndryshon emri i mjetit fluturues,
 - b) kërkohet të ndryshohen ose shtohen pajisjet radio,
 - c) çdo ndryshim tjetër në të dhënat e licencës.
2. I licensuari është i detyruar të njoftojë online në AKEP për të gjitha ndryshimet në të dhënat e deklaruara në formularin e aplikimit.

E. Pika 1 e nenit 16 ndryshon dhe bëhet:

Neni 16
Detyrimet Financiare

1. Subjekti, me marrjen e njoftimit online nga AKEP për miratimin e licencës së kërkuar, është i detyruar që të paguajë detyrimet financiare të parashikuara për licensën në përputhje dhe zbatim të legjislacionit në fuqi, akteve nënligjore dhe rregullave të përcaktuara nga AKEP.

F. Pika 1 dhe pika 2 e nenit 17, ndryshon dhe bëhet:

Neni 17
Vlefshmëria e licencës dhe rinovimi

1. Licenca e lëshuar nga AKEP sipas kësaj rregulloreje është e vlefshme për një periudhë 5 (pesë) vjeçare nga data e hyrjes në fuqi të saj.
2. Për rinovimin e licencës, subjekti i drejtohet AKEP-it duke dërguar online kërkesën 1 (një) muaj para përfundimit të vlefshmërisë së saj, duke paraqitur dhe ndryshimet, nëse ka të tilla.

G. Në Aneksin 1 – Formulari i aplikimit online, me qëllim përcaktimi të formës së aplikimit dhe përshtatjen me kërkesat e modulit online për të pajisur aplikantin me “përdorues”, “fjalëkalim” dhe “kod konfirmimi”, janë shtuar:

1. Forma e aplikimit:

<input type="checkbox"/>	Aplikim për licencë
<input type="checkbox"/>	Rinovimi i licencës egzistuese

<input type="checkbox"/>	Ndryshimi i të dhënave
<input type="checkbox"/>	Ndërprerje aktiviteti/veprimtarie (Çregjistrim)

2. Tek të dhënat e subjektit:

- Emri i Personit (juridik/fizik);
- Emri i përfaqësuesit ligjor;
- Numri personal sipas dokumentit të identifikimit – ID.

3. **Informacion shtesë:**
